

Zeitschrift: Nebelspalter : das Humor- und Satire-Magazin
Band: 92 (1966)
Heft: 36

Rubrik: Am Hitsch si Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation




L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 16.04.2026

ETH-Bibliothek Zürich, E-Periodica, <https://www.e-periodica.ch>



Am Gitsch fi Mainig



«Wär khai Sunntigskhlaid und khai Schteckhpfärd hätt, isch an aarma Mentsch!» Dää Schpruch hätt amool dar Härr Pfarrar Hartmann in ara Religioonsstund tua und ii hanna nümma vargässa. Zwoor, als Buab, sind miar dSunntigskhlaidar nitt gad dia liabschta Huttla gsii. An da schööna Sunntignommitäg isch nemmli üüsari Famillja gganga go schpaziara. Ebba, im Sunntigsgwendli. Dar Normaalschpaziargang isch in d Schtadt iina gganga, durr dSchtadt duura und aaba gäaga da Rhii, näabat dar Gaasfabrikh varbej. Denn isch ma ufam schmaala Wäägli zwüschat am Rhii und am Rhiiwäldli am Rhii noohha aaba tschaanat, hätt dan andara Schpaziargengar brav Grüazi gsaid und hätt nia törfa uff a Bomm uff a khlättara odar ufam Rhii-Wuar – ebba mäaga da Sunntigskhlaidar. A Shtuckh vor Haldaschtai isch ma denn noch rächts apbooga, duura gäaga Masans, zum schönara Tail vum Sunntigsschpaziargang. zMasans isch nemmli an aalti Puurwirtschaft gschtanda, dKhroona. Und in dia sind miar iikheert, so sihhar wie zwaimoolzwei viar sind. Miar Goofa hend Limonaada khriagt, in da Patentfläschli und in da schönschta Farba, rooti, gällbi odar grüani. Darzua hätt a halbi Porzioon Khäas ggee und a Puurabroot, wian is gloubi sit-häär nümma khaa hann. Natüürlü isch ma varussa ghockht, in dar Wiis hintar dar Khroona, an da Holzstisch und uff da Holzbenkh. Nocham zMarend isch für dGoofa hinna uff dar Wiis a Gigampfi und a Schwenkhi (wie ma zKhuur da Schaukhla said) paraat gschtanda, woman au in da Sunntigshuttla hätt törfa benutza. Am schön-schta ischas in dar Khroona im Härbscht gsii. Denn hätt s nemmli süaßa Moscht ggee, frisch ap dar Präß, und zwoor litarwiis, nitt nu asona khliis khoga Fläschli. Allardings isch denn dar lang Haiwääg mengmool abitz gföörlü gsii. Well süaßa Moscht a gröößari Wirkhig hätt als dia giftgrüanschi Limonaada ...

Dia aalt Khroona Masans isch apbrohha worda. Sii hätt am Nazonaalschtrooßa-Bau müassa Platz mahha. A Shtuckh witar awäggschtoot a nöüji Khroona, ooni Ring in dar Muura zum dRössar aabinda, darfür mit ama grooßa Parkhplatz. Und im Härbscht wärdand Khindar schtatt süaßa Moscht aswas a Gglüggarliwassar pschtella.